



Circular 0010/2021

[GABHANN AN IMLITIR SEO IN IONAD GACH IMLITREACH ROIMHE SEO FAOIN
SCÉIM SEO]

**Chuig: Údaráis Bhainistíochta, Príomhoidí agus Múinteoirí na
mBunscoileanna, na Meánscoileanna, na bPobalscoileanna agus na
Scoileanna Cuimsitheacha Aitheanta agus Príomhfheidhmeannaigh na
mBord Oideachais agus Oiliúna.**

Scéim Aisíochta Táillí Múinteoirí 2020

BA CHÓIR GACH FIOSRÚ A CHUR CHUIG:
An Riarthóir, Scéim Aisíochta Táillí Múinteoirí
Institiúid Oideachais Marino
Ascaill Uí Ghríofa, Baile Átha Cliath D09 R232
Teil: (01) 8535102
RÍOMHPHOST: refundoffeesscheme@mie.ie

**Ní ghlacfar ach le hiarratais i leith Cúrsaí / Cuid de chúrsaí a
críochnaíodh sa tréimhse
1 Meán Fómhair 2019 go dtí 31 Lúnasa 2020**

Réamhrá agus Cuspóir

Is í aidhm na himlitreach seo na forálacha a rialaíonn feidhmiú na *Scéime Aisíochta Táillí Múinteoirí* a leagan amach i gcomhair údaráis bhainistíochta scoileanna, príomhoidí agus múinteoirí.

Is é an cuspóir atá ag an *Scéim Aisíochta Táillí Múinteoirí* maoiniú a chur ar fáil i dtreo costas rannpháirtíochta i gcúrsaí agus táillí scrúdaithe, tar éis dóibh cúrsaí forbairt ghairmiúil a chríochnú go sásúil. (I gcás go maireann an cúrsa níos faide ná bliain amháin, soláthraítear cistiú tráth chríochnú rathúil gach bliana den chúrsa.) Tá an maoiniú ann do chúrsaí atá bainte go díreach le scoileanna agus chun a leasa agus atá faoi réir deimhniúcháin / dámhachtana ó údarás creidiúnaithe cuí a n-aithníonn an Roinn Oideachais (RO) é.



Baineann an Scéim Aisíochta Táillí Múinteoirí le hiarratais ó dhaoine aonair amháin agus níl cead ag scoileanna ná ag fostóirí eile aisíocaíochtaí a éileamh.

Tá an scéim seo faoi réir athbhreithnithe agus d'fhéadfaí athruithe a thabhairt isteach sula n-osclófar an scéim arís i gcomhair iarratas (.i. sula n-iarrfar iarratais ar aisíoc táillí maidir leis an mbliain acadúil dár gcionn).

Múinteoirí Atá Incháilithe

Tá bunmhúinteoirí agus iar-bhunmhúinteoirí atá ar seirbhís, atá cláraithe leis an gComhairle Mhúinteoireachta, atá ar phá ón Stát agus atá á bhfostú i scoil a bhfuil aitheantas ón Roinn Oideachais aici, incháilithe chun iarratas a dhéanamh ar mhaoiniú faoin scéim. Áiríonn sé seo múinteoirí buana lánaimseartha, múinteoirí sealadacha lánaimseartha, múinteoirí páirtaimseartha, múinteoirí ionaid, múinteoirí faoi chonradh ar thréimhse éiginnte, agus Múinteoirí faoi chonradh ar théarmaí seasta atá fostaithe ar feadh na scoilbhliana iomláine agus a chuireann seirbhís teagaisc ar fáil i rith gach seachtaine scoile.

Tá liosta na mbunscoileanna agus na n-iar-bhunscoileanna aitheanta ar fáil ar shuíomh na Roinne: Fé.ach le do thoil:

<https://www.education.ie/en/Publications/Statistics/Data-on-Individual-Schools/>.

- Tá múinteoirí lánchláraithe atá ar iasacht laistigh den earnáil oideachais i dteideal iarratas a chur isteach ar an scéim.
- Níl múinteoirí ar shos gairme/saoire gan phá le linn na scoilbhliana 2019/20 incháilithe ar iarratas a chur isteach ar aisíocaíocht táillí ach amháin nuair a fhillfidh siad ar an scoil agus ní féidir an aisíocaíocht a dhéanamh ach amháin i ndáil le táillí a tabhaíodh idir an 1 Meán Fómhair 2019 agus an 31 Lúnasa 2020.

Cúrsaí Nach Bhfuil Incháilithe Faoin Scéim

- Ní íocfar maoiniú faoin Scéim Aisíochta Táillí Múinteoirí i leith cúrsaí a dtagann cáilíocht leo a bhfuil liúntas iníochta ina leith.
- Níl cúrsaí atá á gcistiú go páirteach ag an Roinn Oideachais cheana féin incháilithe don scéim.
- Ní íocfar maoiniú faoin scéim seo le heaspaí sna cáilíochtaí a theastaíonn i gcomhair aitheantas iomlán mar mhúinteoir bunscoile nó iar-bhunscoile.



Cúrsaí Incháilithe

- Ba cheart go mbeadh cúrsaí a cháilíonn bainteach go díreach le scoileanna, bainistíocht scoileanna nó múinteoirí, agus a bheith lena leas, agus ba cheart go mbeadh tionchar dearfach acu faoi dheoidh ar theagasc agus ar fhoghlaim.
- Ba cheart go mbeadh cúrsaí faoi réir deimhniúcháin / dámhachtana ó údarás creidiúnaithe cuí atá aitheanta ag an Roinn Oideachais chun críche na scéime seo.

Cúrsaí Diplóma

- I dtéarmaí ginearálta, beidh cúrsaí aitheanta diplóma agus teastais atá creidiúnaithe mar a luaitear thuas incháilithe faoin *Scéim Aisíochta Táillí Múinteoirí*.
- Ní mór cóip den teastas diplóma féin a gnóthaíodh de thoradh an cúrsa a chur i gcrích go rathúil, a bheith i dteannta gach foirme iarratais.

Iarratais Chuig an Scéim Aisíochta Táillí Múinteoirí

- Riarann Institiúid Oideachais Marino (MIE) an scéim thar ceann na Roinne Oideachais.
- Ní mór do mhúinteoirí iarratas a dhéanamh le cead óna bPríomhoidí agus óna mBoird Bhainistíochta agus / nó Boird Oideachais agus Oiliúna ar an bhfoirm iarratais chaighdeánach. Is ceart foirmeacha iarratais comhlánaithe a chur chuig:

An Riarthóir, Scéim Aisíochta Táillí Múinteoirí
Institiúid Oideachais Marino, Ascaill Uí Ghríofa, Baile Átha Cliath D09
R232
Teil: (01) 8535102
r-phost: refundoffeesscheme@mie.ie

- Ní ghlacfar ach le hiarratais i leith cúrsaí/cuid de chúrsaí a críochnaíodh sa tréimhse **1 Meán Fómhair 2019 go dtí 31 Lúnasa 2020**.
- Is é an **31 Márta 2021** an spriocdháta chun iarratais a fháil. Admhófar gach aon iarratas a fhaightear.



Nuair is faide ré an chúrsa ná bliain, ní mór iarratais a chur isteach i ndiaidh gach bliain a chríochnú go rathúil.

- Iarrfar freisin ar iarratasóirí fianaise dhoiciméadach a chur ar fáil ó sholáthróir an chúrsa (Údarás Creidiúnaithe nó Institiúid Tríú Leibhéal) ag deimhniú:
 - a) teideal oifigiúil an chúrsa
 - b) gur chríochnaigh an t-iarratasóir an cúrsa, nó bliain den chúrsa, go rathúil
 - c) torthaí scrúdaithe an iarratasóraTabhair do d'aire: Is leor cóip den tras-scríbhinn oifigiúil má shásaíonn sí na riachtanais thuasluaite
- Tá sé de fhreagracht ar gach aon iarratasóir a chinntiú go bhfuil an fhoirm iarratais comhlánaithe go hiomlán, go bhfuil sí sínithe agus go bhfuil an cháipéisíocht chuí go léir ina teannta.

Coimeádann MIE agus an RO an ceart acu féin doiciméadúchán bunaidh a éileamh ag aon am.

- **NÍ DHÉANFAR IARRATAIS DHÉANACHA A MHEAS.**

Coiste Monatóireachta

- Déanann Coiste Monatóireachta, ar a bhfuil ionadaithe ó cheardchumainn na múinteoirí, ionadaithe ó bhainistíocht scoile agus ionadaithe ón Roinn Oideachais, maoirsiú ar riarachán na scéime agus déanann sé moltaí faoi leithdháileadh íocaíochtaí ar iarratasóirí.
- Féadtar achomhairc in aghaidh moladh de chuid an choiste monatóireachta a dhéanamh chuig Coiste Achomharc faoi choimirce an Aire Oideachais.

Coiste Achomhairc

- Déanfaidh Coiste Achomhairc a chuimsíonn baill den Rannóg Oideachais Múinteoirí, den Roinn Oideachais agus den Chigireacht breithniú ar achomhairc ó iarratasóirí nár ceadaíodh na hiarratais uathu le linn an ghnáthphróisis iarratais.
- **Ní mór achomhairc in aghaidh cinntí a fháil laistigh de cheithre seachtaine oibre** ón dáta a eisíodh an fógra faoin gcinneadh.
- Ní foras achomhairc iad iarratais a bheith diúltaithe de bharr iad a bheith déanach, neamhiomlán nó gan a bheith sínithe.
- Caithfear cóip den fhoirm iarratais chomhlánaithe a cheangal den litir achomhairc. Caithfidh an litir seo foras an achomhairc a chur in iúl go soiléir.
- Tá gach eolas agus gach doiciméad atá mar thaca le hachomharc faoi réir a bhíforaithe.



Méideanna Atá Iníochta D'Iarratasóirí

- Is tríd an Ríomhaistriú Airgid (EFT) a dhéanfar íocaíochtaí le hiarratasóirí a n-éireoidh leo. Cuir do shonraí bainc ar fáil ar leathanach 12 chun é seo a éascú, le do thoil. Cuirfidh MIE prótacail slándála sonraí i bhfeidhm maidir le húsáid na sonraí seo.
- Déantar iarratais ar mhaoiniú faoin *Scéim Aisíochta Táillí Múinteoirí* go siarghabhálach i leith cúrsa a rinneadh i rith na bliana acadúla roimhe sin.
- Le bheith incháilithe le haghaidh aisíocaíocht táillí, is riachtanach gur mó ná **€600** na táillí iomlána atá iníochta ag an iarratasóir as an gcúrsa/cuid den chúrsa sa bhliain iarratais chuí. Is é **€5,000** in aghaidh na bliana an táille uasta ar ina leith a dhéanfar aisíocaíocht. Ní chuirfear san áireamh ach táillí a bhaineann leis an mbliain acadúil ina bhfuil an t-iarratas á dhéanamh.
- Tá an maoiniú don scéim seo ag brath ar an mbuiséad a leithdháiltear don Roinn Oideachais.
- Braitheann codán na dtáillí a aisíocfar faoin scéim ar líon na n-iarratasóirí cáilithe a bheidh ann in aon bhliain amháin ar bith. Leithdháiltear an maoiniú atá ar fáil ar bhonn pro-rata i dtreo is go bhfaigheann na hiarratasóirí go léir a n-éiríonn leo an sciar céanna dá gcuid táillí incháilithe.
- Sa chás go bhfuil iarratasóir ag fáil íocaíocht /fóirdheontas ar bith cheana féin in aghaidh chostais an chúrsa atá i gceist, laghdófar méid na dtáillí atá incháilithe i gcomhair íocaíochta de réir mhéid na híocaíochta nó na n-íocaíochtaí sin.
- Mura ndéantar gach aon fhóirdheontas / liúntas a nochtadh, measfar iarratas a bheith ar neamhní go hiomlán.
- Eiseofar íocaíocht a luaithe a dhéanfar cinneadh.

Fógra do Mhúinteoirí

Bheifí buíoch ach an imlitir seo a chur ar aire na foirne teagaisc uile, lena n-áirítear iad siúd atá ar saoire, ar iasacht nó ar shos gairme.

Athbheithniú na Scéime: Fógra Cosaint Sonraí

Rinne an Roinn Oideachais athbheithniú ar an Scéim Aisíochta Táillí Múinteoirí.

Tá sé beartaithe roinnt athruithe a dhéanamh ar an Scéim i ndáil le héilimh i leith cúrsaí a thosóidh, nó ar chodanna de chúrsaí a leanfaidh ar aghaidh, sa bhliain acadúil 2021/2022 – i.e. éilimh a bhaineann leis an tréimhse ón 1 Meán Fómhair 2021 go dtí an 31 Lúnasa 2022. Leagfar na hathruithe sin amach i gcioclán ar leith.



Martin McLoughlin
Príomhoifigeach Feidhmeach
Beartas um Oideachas Múinteoirí (Oideachas Tosaigh Múinteoirí agus Forbairt
Ghairmiúil)
Eanáir 2021